

明州阿育王山志第七卷目錄

福田常住

偈

郭子章

大唐越州鄞縣阿育王寺常住田碑

萬亦融

育王寺碑後記

于季友

上塔般若會碑

李源

廣利莊記

釋本揚

報本莊塗田記

戴良

阿育王山志

卷七

目錄

明州阿育王山志卷第七

泰和郭子章相奎父編

勤邑屠 隆緯真父校

△福田常住

照世者火傳火者薪食輪先轉繫我有身如來應
供維摩托鉢香積國中喫飯成佛古人耕鉢我今
耕田雖曰違律力田者禪暖衣飽食爾今何爲三
學勤修胡患鐵圍志福田常住

大唐越州都督府鄞縣阿育王寺常住田碑

我聞語寐滅者本之以不生而菩薩不能去資生

阿育王山志

卷七

七

立法談逍遙者存之於無待而神人不能亡有待
爲煩吉祥之降帝農教以耒耜蒼靈之下后稷俾
其播種故維摩之毘耶稽首持鉢尚詣於香積釋
迦之孤給洗足著衣猶乞食於舍衛是知夫食者
不獨乎人天農者豈唯乎政本阿育王靈塔寺者
晉義熙元年之所置也昔孔雀氏宿童子之因果
當金人之授記暨鐵輪位正寶塔功成計鳥道之
千里占人寰之一勝夜叉密跡以飛行神僧護影
而圍繞雖方壇氣象已萌青石之符而員頂光明
乘質白雲之狀迨觀音應現而指迷利賓虛求以

昭發全身踊出憊如多寶之音一瓜圓開宛是掛
邨之相神其不滅道在茲乎晉 安帝允釐三才
成就六度聿圖蘭若式印招提景行阿育王故以
育王靈塔爲稱道徒觀夫輪奐規矩鈎繩剏製珠
軒翠檻延袤中霄玉雷金池周羅上界環海之下
流元氣大地爲衣圍山之上結太清諸天作蓋信
方廣一都之會也左赤岸而十里右青田而一曲
霞標莽蒼幽幽迷鬼谷之祠日剝晶明的的識寸
人之館天花未雨宿傳龍界之香地籟無風時起
魚山之梵則知定光諸佛悔天台之赤城羅漢群

阿育王山志

卷七

二

仙謬崑崙之元圃□□法惟神授道乃人宏向使
輪柯王昧巴連之因初微此塔迦葉佛晦闇浮之
跡殆曠茲山蓋虛明之絕境不可得而思義者也
粵寺東十五里塔墅常住田者宋元嘉二年奉命
之所立也宋文帝秉籙御乾作娑羅之外護感闍
耶子砂糗之供制賜是田梁武皇握樞臨極爲寶
應之下生見阿育王金粟之果勅蠲其賦日月盈
止既有命以自天陵谷迭居終不動其如地梁普
通中沙門僧綬茲寺之應真也以發行爲道場以
直心爲淨土聞純陁良田之喻遂篤志焉旣種旣

飛載芟載柞察地道之化成觀天道之時變悟是
身無主□□始以常住名焉次有僧濟上人虛已
淨心紬茲惠業披衣畫其墜埒持戒整其疆畔苗
而不秀有恨何及逮陳隋之季喪亂荐臻農野蕭條
鞠爲茂草我皇家執大象乘飛龍陟丕上帝之耿
命紹復先王之業有山棲曠和上道尊人傑德
貴天師中宗孝和皇帝親降璽書願同金輦擊鼓
而陳其入國造船而捧其登座故知二乘行道不
避未證四果適時還陞紫殿雖植衆德本作南山
之福田種諸善根存東臯之淨業初湖之左右夾
阿育王山志 卷七 三

壤二區搯粳始艾菑畬粗立僧徒理勝力未瞻農
童收因聞私竊種藝和上表蒙俗之貪垢負冥期
之幽報乃推湖西易壘讓爲闢田數諍歸之春稅
就給唯割湖東十頃復古賜地窮海北漸曾山南
麓樓子根盤以東峙富都股引而西注真陸水膏
腴之沃壤實神靈滋液之奧區於是奠其囿囷
其版籍農野罷侵田畷至喜人到于今稱焉前寺
主簡皎二法師僧祇之龍象也就先疇之畝畝敦
老農之疾續藏事作製簞笠來思者久之歲功未
成生涯共盡流沙忽去荒涼紫陌之田影壁空存

搖落青園之寺可爲長太息者矣有惠炬闍梨德業淳脩曾統緇領道勝之韻生而能言禪悅之味老而彌篤用能纂其終始高軌可追庀其委積長筭斯遠與法言沙門俗姓喻氏貞已密行惠心苦節今屈知墅任垂將十年先是烏鹵未斥塗洫未濬臺稗藪蒼溟于農郊夫其心畜制度瞬目曲折荷鍾畚土堙窪鑿凸隕竹落捷石甃漑高湊仰增卑陪薄分熱水怒承達出氣填拊遊盪而時至餘彼寬緩而不迫終古旱害浸以汗漬冬不祈於積雪夏無榮乎小雨由是湖有千金之號焉當其春

阿育王山志

卷七

四

鴈司載田事旣飭產乎甲毓萌芽或薦或藜實穎實發上農臺而課長羸復陽之稼如雲矣及夫寒蟬記時農乃登穀哀積聚築塲圃乎不遺秉羸無□□□□庾而督收成海陵之倉非衍矣詩云倬彼碩田歲取十千其是之謂乎百穀旣蒸萬供旣設滿以衆香之鉢薰以毘耶之城或異聲聞若化菩薩虛高座以影集時洪鐘而雲臨敷座而坐飯食經行臭若香風味同甘露遍滿一切周流十方聞之者得未曾有食之者咸登正位白衣之會龍國無掘鬱金之香緇裳之集雞寺不碎菴羅之末

三藏大德知食金之可貴一器沙彌識麩粉之非重
資我飯色師之力歟都維那玄宗遊方觀化大融
慈誘火耕水耨常有助於上農飛杖浮杯今載行
乎中國上座釋辨疑十城之僧主也神清氣合金
杵發其休徵寺主釋惠敏九州之維那也風骨天
成鉄鎮起其靈相咸能以如來之衣衣分如來之
座坐護育王之靈塔願貿金錢記育王之聖田思
模石柱弟子早接蘭書式典騏驎之閣晚遊蓮跡
每祭鸚鵡之林賓頭盧之下空亟見有能之師子
舍那私之入寺豈謂無知老人識異博文才非能
阿育王山志

卷七

五

賦阮公不事曾供香花願越有緣遂瞻碑版滿笈
多之石室未擲其籌對輪王之金地且耕其筆多
羅之葉而書偈云 渾儀草昧象物紛拏或甲而
乙或萌而芽萬殊成類百寶攸嘉故后稷布其種
口神農嘗其華燧人更運火正司臧教以鼎飪炊
之黍稷易茲毛茹成此粒食是之爲人天是之爲
皇極我聞維摩曾語舍利如來大慈其露上味又
見阿難聞是香氣亦有以飯食以之爲佛事若長
者主若聲聞人天諸居士地虛空神如聞飯氣而
亦來臻況生生之位有待之爲身倚與童子供資

砂糗法主大慈冷然虛受伊鐵輪以授記從滅度
後何寶塔之莊嚴得未曾有鳥道於許人寰在哉
鬼神冥運風雨潛來白雲踊出青山半開含千輪
之蓮跡建百福之花臺宋帝下生梁皇外護大稷
賜疇司農蠲賦臯壤映發湖源灌注旣魚鱗以左
右亦犬牙而盤互菑畚平秩臺竝來思爰䟽眈睨
是務鋤犁三農奕奕萬畝祈祈自膏腴而兼倍矧
雨露與華滋豁茲開士賞功司過凡以犒勤所以
肅惰東作方喜西成是課始象耕而鳥耘終牛春
而馬簸千箱旣積五穀斯分味蒸甘露爨香雲
阿育王山志

卷七

六

孰云菩薩而謂聲聞搏湏彌所不能盡曷毘耶之
足薰藐爾赤松猶田白玉矧伊塔寺神通付囑信
矣育王能生金粟彼鄭國之泥紫如富郡之水綠
我來自東經行成趣淨業斯闢善根方樹式紀因
緣匪存章句庶金田與石柱山巍巍以常住秘書
省正字郎萬齊融撰

育王寺碑後記

此寺碑記嘗爲寇盜隳壞久無堅立有好事僧惠
印錄寺舊文藏於篋笥又與老宿僧明秀志詮寺
主僧志仁上座僧棲雲都維那僧巨嵩會議重建

其碑焉余美其樂善會剡越間有隱逸之士曰范的業文功書未遇於時常萍泊雲水間一日扁舟至明余邀以書之添勝境遊觀之一事畧旣端由於碑後云太和七年十二月 明州刺史于季友記

上塔般若會碑

紹興丙子大慧禪師宗杲得旨住育王廣利寺師還自嶺南旣主叢林湖海衲子輻湊聚衆一千二百法席爲天人師廣利素號望剡至是食口弗給有大慧高弟擇微者衆推苦行號微高僧慨然而

阿育王山志

卷七

七

起曰吾事大慧責居遐荒逮茲去此十有七年萬死一生備償難棘今龍天歡喜祖道中興謂爲緣化之倡乃帥同志二十輩化八萬四千信士各捐已帑名般若會哀爲求田供衆之資時郡蔣式卿方公滋首爲之勸遠近樂施財帛雲委未幾大慧有旨移住徑山其嗣大圓璞公繼之乃令其徒彥平就奉化東材請官地海塗圩而爲田工傭浩博以般若會所儲用之不足又請大慧衣鉢助之合金十萬緡施及三年而大圓順寂衆又以其嗣今住持普門廓公繼之時丞相岐國湯公思退當時

大慧爲方外友捨金協濟又得無相大師靖公捐財建造莊院名般若莊自紹興戊寅至乾道丁亥始克有終侍御公伯庠作記以美之而後大慧遷化門人弟子傳法住持遍九天下獨微公卷而懷之退處廣利上塔禁足一紀不出門限一飯之外不按俗務看閱藏經已七過矣達官貴人招之不去其高致追媿古尊宿豈今日學道者所能彷彿乾道二年春予以先公太監大祥至廣利作佛事因訪微公公與大慧皆先世道舊相見慰藉久之論及塗田首尾實微公權輿又欲令小師祖印募

緣甃砌大嶺之上塔磚路數千丈且曰他日路成人將塑像大慧大圓普門三善知識塔院後舍配以造塔真戒大師振公以八萬四千信士名銜函貯其上誓將朝夕齎奉以爲善知識祠堂香火惟子爲我記之予巽謝未遑旣畢微公令祖印持書扣門其請愈堅且曰子不我記非獨慢我是慢大慧予不敢辭乃爲之說曰釋迦如來以提婆達多爲善知識故蓮華經云提婆達多爲善知識故令我具足六波羅密又妙莊嚴王本事品云若善男子善女人種善根故世世得善知識其善知識能

作佛事示教利喜令入阿耨多羅三藐三菩提予
仲二子以訂微公諸方衲子多見善知識者必有
其人能辨緇素則一生叅學事畢脫或未入其可
以下度耶謹記淳熙二年六月脩職郎前兩浙東
路安撫司准備差遣李泳記

廣利莊記

皇慶二年春月屆孟陬育王住山佛日普光大師
書廣利莊目諉余文以昭不朽按師莅事初慮產
薄衆多時或不粒大德八年偶余病廢塗田出售
隸奉川之梧輿遂勸于衆得前昌國州廣福寺住

阿育王山志

卷七

九

持碧海克寬及石山惟分水房希檠皆寺之耆宿
也翕然而和各出錢若粟所用幾三萬緡石山亦
房半之而碧海半之以共集斯事於是代石偃功
具畚鍤芟蕪穢作岸捍隄防湖汶之虞是歲臘月
田成莊備而莊田廣利焉歲登穀千計聚山資水
利計亦若干輸公外搏之以準脩理隄岸後始併
斯田與夫山資水利歸之寺用贍多衆乃位四師
於莊而祠焉夫以廣利目莊則稱誠廣矣彼齋夫
守金玉平時一豪莫利於人而卒爲五家所耗較
之斯舉固相縣絕其後之來者罔知成市籍必也

艱謬悠而居心覩而事寧不有孤厥謀有能於食
等者於法亦等於法等者於食亦等則師市田建
莊之意爲不虛施師諱德明字東生鄞之昌國人
住山今十有五年矣延祐三年孟冬文溪沙門本
暢記

阿育王山廣利禪寺報本莊塗田記

客有自四明來者以阿育王寺住山約之裕禪師
之書報本莊之事狀告曰願有記也予發書按狀
自奉化東行七十里其地橫枕大海岌乎其不可
持者黃賢磧境也以言其闢田而莊之者則寺沙

阿育王山志

卷七

十

門興公也以言其所以作之利害縣民應氏林氏
等嘗於黃賢磧磧築海爲田是爲西成南成寶
慶豐嶼制幹下坂侯家西塘盛譽歲有風漳恒捷
木實土爲堤時其懷而治之元至正乙巳風悍淖
怒而於所謂隄者日已齧去 國朝洪武戊申颶
風復大作遂廢其田復爲塗泥而賦粟猶他日鄉
之老人周覽而歎息曰是其爲患庸有旣乎則又
相與曰曰興公德可弭難而才可植業苟協誠歸
之吾屬其少休乎應氏林氏具以其事請且約隄
免之後其田皆公有也公固辭而請益力則慨然

曰宜洛住山約翁禪師圖之先師雪窓光公住茲山之日嘗以僧粥不繼欲增廣土田以贍之有志未就而化去應氏林氏以是役而投告是天與也且有以舒彼之急亦報吾之師矣禪師曰然首捐衣資助之於是代石于山轉木于海度功卽土率徒相宜導其流而塌之土循故堤之北以爲其巨粟以植之大松以寢之貫以木杙聯以竹緇傳土於中帖石於外槩視其堤無有罅漏衡從叅錯若以櫛然而又二爲礮以溲海水之洄洑衝薄昔者蛟鼉魚鼈之場今則膏土沃壤而源曰之聯絡乎

阿育王山志

卷七

東阡西陌者井井也以言其制之大小用力之多寡則隄之長四千尺廣五十尺高殺其廣三之二田以計者一千七百有奇莊以間計者二十有五度費工傭六萬錢九萬緡米三千石經始於冬癸丑之十二月二十有四日後乙卯秋九月十日而功告訖也寺之勤舊永全等能相以力焉以言其始終作謀則鄉以事白之縣縣上之府其老於事者行視可否然後報下如所議而速公以蒞之公復與老人約曰吾學佛人也固將以利民豈可專其田以利當與若等共之可也乃爲立契券仍請

有司署其積而秋賦之出於田者已則任之遂集
得田之家授之如約中有欲售於公則厚與之直
其南成田之出佃東山寺寶慶寺田之屬寶慶田
者每歲輸稅尤困苦至是德公之爲咸願以田讓
公忘償之直而後受莊成請禪師大書今願蓋不
忘乎其師也噫何其賢也世恒言佛以利益天下
故其集事之易每如此而不知其徒之賢亦多有
以動人爾公之爲人寬平而有守恢廓而有爲有
守合乎仁有爲合乎義吾所謂賢而動人者也况
是役也能知因民所利而利之而又不以其利歸

阿育王山志

卷七

七

諸已又知其師之恩已而思有以報原其所爲一
皆禪師福緣感化是宜信從者衆而其成功直易
今也然所以致茲成功之易易者其教使然耶抑
亦其徒之賢有以動之也嗚呼此禪師所以欲其
有紀於後也而不没人善如此亦以使後人皆知
所報也公字象先元輿其名台州臨海人早從雪
窓祝髮于姑蘇之開元寺及遷阿育王又從之歷
職嘗改作寺之西塔構塔院及置鄞縣王家塘田
三百畝崎頭莊後出世說法同郡之明覺撤其寺
新之遷岳林今陞阿育王俱有成績可紀云洪武

十四年歲在辛酉五月九靈山人戴良記

阿育王山志

卷七

十三